

EKITALDIA

Pertsonalitate
ugarik zorionak
eman zizkioten

Hainbat hautetsi, euskalgintzako eta hedabideetako ordezkari elkartu ziren atzo eguerdian Miarritzeko Herriko Etxeko ekitaldian Gure Irratiaren 20. urteurrena ospatzera.

Bertzeak bertze Miarritzeko hainbat zinegotzi, Koldo Gorostiaga Batasuneko eurodiputatu, Jean-Pierre Destrade Hiriburuko kontseilari nagusia, Jean Anioz-behere Sarako auzapeza, Alain Iriart Hiriburukoa, Xabi Larralde Batasuneko kidea, Panpi Dirassar ABko bozeramailea bildu ziren.

Euskalgintzatik ere jende anitz joan zen, hala nola Mixel Oronos Euskal Konfederaziokoa, Jakes Bortairu AEK-koa eta Pantxoa Etxegoin EKEkoa.

Bertan ziren, halaber, Martxelo Otamendi EUSKALDUNON EGUNKARIAKO zuzendaria, Gorka Altuna EHKEkoa, Hur Gorostiaga *Euskal Herriko Kazetako* zuzendaria eta Euskal Herri osoko hainbat irratilibreetako ordezkariak ere, Gure Irratiari zorionak emateko.



BOB EDMÉ

Gure Irratiak 20 urte bete ditu. Tartean estudioak ere berriitu dituzte. Irudian, Mattin Larzabal esataria, 1997an.

Eneko Bidegain | MIARRITZE

Hogei urte. Adinik ederrena. Gure Irratiak osasun onean dela erakutsi zuen atzo Miarritzeko Herriko Etxean, urtebetetze eguna hurbiltzen ari den honetan. 1981eko abenduaren 24an emititu zituen Gure Irratiak euskarazko lehen emankizunak, Mialafrangatik, irratilibreei frekuentziak irekitzea onartu zen urte hartan. Ahal zen moduan xutik ezarri estudio txikitik, baldintza kaskarretan abiatu zuen ibilbide luzea.

«Duela hogei urte batzuek us-te zuten desafio bat zela. Gaur egun ohartzen gara toki zabala betetzen duela», adierazi zuen Dani Duhalde Gure Irratiko kideak atzo. Hogei urtez urak egin du bide. Gaur egun hamalau langilek osatzen dute irratia ekipoa eta hamarnaka laguntzaile ditu. Jadanik historian gelditzen da Baionako egoitza berriaren estreina. Duela lau urte, hamabi urtez Baionako bertze estudio hertsu batzuetan egon ondoan, egoitza handiago eta berriro batera pasatu ziren.

Udazken honetan Hazpamen eta Hendaian estudio berri bana estreinatu dute. Hendaian Antxeta irratia bultzatu dute, Hendaia, Biriatu, Pausu, Irun eta Hondarribirako. Abenduaren 20an aurkeztuko dute.

Bertze jauzi bat ere lortu dute hilabete honetan: emankizunak Internet bidez hedatzea (www.gureirratia.com). Agus Hernan zuzendariak teknologia berrietara egokitze hori baloratu zuen atzo. Hasieran kezka batzuk sortzen zituela aitortu zuen, baina «alderantziz, herri hizkuntzak berriz piztu eta lurraldetasunaren kontzeptua gaurkotu du». Komunikabide tresna berriak euskara mundu guztira hedatzeko erabiliko di-

tuzte, Bernat Etxeparek 1545ean idatzi zuen ametsa egia bihurtuz. Baina Internet gabe ere, Gure Irratiari esker «euskara bere xokotik atera da, batzuek zokoratu nahi zutelarik», nabarmendu zuen Hernanek. Are gehiago, euskaldun izateaz urteetan eta urteetan lotsaturik bizi ziren euskaldunak «harrotu» ditu eta «hiztegia aberastu».

Txaloak Borotrarentzat

Didier Borotra Miarritzeko auzapezak Gure Irratiaren lana eta bilakaera txalotu zituen, «eredugarria» dela azpimarratuz. Miarritzeko Udalak irratia zuzentzen dion diru laguntza emendatu behar lukeela jakinarazi zuen, eta horrek aretoan bilduak zirenen txalo eta poz algarak piztu zituen. Borotrak «mezu hori Angeluk ere entzun dezakeela» erantsi zuen.

Berri hori ez zen airean gelditu, Gure Irratiko lehendakariaren belarrietara heldu baitzen. Institutioei irratia beharrak kontuan hartzea eskatu zien. Agus Hernan zuzendariak «hogei urteren beranta» dutela nabarmendu zuen. «Heldu diren hogei urteetan gure gain izanen da euskaltasuna normalizatzea. Horren bidez etorkizuna eraikiiko dugu, bakean eta elkartasunean», bururatu zuen.

Euskara zokotik
munduratzen

GURE IRRATIAK 20 URTE. Lapurdiko euskal irratia urtebetetzea ospatu dute Miarritzeko Herriko Etxean. Bilakaera luzearen gogora ekartzeko parada.

ITZAILINKA?
MAHAI JOKOA
Bizkaiaaek
Bizkaiaaek ganeko 2.000 itaun-erantzun
GAZTETXO eta HELDUENTZAT

Zer dakizu Bizkaiaz?

- Zer esaten jako "ogigaztala"?
- Nor zan Martina Ibaibarriaga?
- Zein da euskera hobea, Markina ala Zornotzakoa?

2.000 itaun, geure herrialdea olgetan ezagutzeko.

Eskaerea egiteko orria

DNI / CIF
ENA / IFK.....

Pertsona y teléfono de contacto
Harremanetarako, izena eta telefonoa

.....

Dirección
Helbidea

Código postal
Posta kodea

Provincia
Probintzia

Forma de pago
Ordaintzeko era

Banku bidez.....(20 zenbaki)

Entidad bancaria
Bankuaren izena

BIZKAIAK aek Salneurria: 5.000 pta./ 1.000 ogerleko/ 30,05 € (B.E.Z. baxe)

Eskatu egizu zeure herriko aek-ren euskaltegian, edota:

• 94 415 52 57 edo 94 415 95 12 telefonoetan • Posta-e: ldola@aeknet.net • 94 416 65 55 faxa •

Reflexar este impreso y enviar a la siguiente dirección:
Eskatu-ori hau bete eta bidali ondoko helbidera:
BIZKAIAK aek • Pto. Kalea, 1-5.a • 48005 BILBO

*Informazioa aek-ren Nazioarteko gogotze da, bidezkoak da eta Internetetik
erakutsi, orduko eta eskatu itaunak izan behar dira. Berezin Internetetik erakutsi
erakutsi, bidezkoak da eta Internetetik erakutsi. Berezin Internetetik erakutsi.
*Cita informazioa aek-ren Nazioarteko gogotze da, bidezkoak da eta Internetetik
erakutsi, orduko eta eskatu itaunak izan behar dira. Berezin Internetetik erakutsi.
*Cita informazioa aek-ren Nazioarteko gogotze da, bidezkoak da eta Internetetik
erakutsi, orduko eta eskatu itaunak izan behar dira. Berezin Internetetik erakutsi.